

Թար ազգն. ոչ լալոյ և ոչ հառաչելոյ, ոչ պաղատելոյ և ոչ աղաչելոյ կու  
նայեր. այլ իւր գոռոզութեամբ և հնարիւք սասանայիւք առնէր զինչ և կա-  
մէր: Արդ հայցեմք ի Քրիստոսէ Աստուծոյ մերմէ, որ վասն մեր խաչեցաւ,  
մեռաւ, թաղեցաւ և յարեաւ... որ նա զիւր առատ ողորմութեամբ և մար-  
դասիրութեամբ՝ զպեղծ և զանիծեալ բերանն բացեալ զառիւծուն՝ կալցէ  
կտրեսցէ և զգլուխն կործանեսցէ ի ձորն անդնդային, և զմասն նորա ընդ  
անհաւատոս դիցէ, և զմեզ զամենեսեան զհաւատացեալսն աղատեսցէ ի նորա  
անհաւատոյն ձեռանէն. ամէն: Արդ վասն խնդրելոյ հզօրօս իմոյ Բան Միս-  
քոյ որդւոյ Պր. Քրըլըթօֆ Մուսթաֆային, ի սուրբ եկեղեցին ի քաղաքն  
Չամոսցայ, վասն իւր արեւուն և ընկերոջն և դուստրորդոցն և ծնողացն նրն-  
ջեցեղոցի... Արդ գրեցաւ ի յարեթական մեծ տումարիս ՌՃԲ ամին և ի  
մայիս 22ին. ի հայրապետութեան Ս. Էջմիածնայ Տէր Տէր Փիլիպպոս կա-  
թողիկոսին, ի յառաջնորդութեան խառնակի ժամուն ոչ այս և ոչ այն,  
այլ մնացեալ վասն գալոյ Պր. Թորոսովից Տէր Նիկողայոսին, և ի թագա-  
ւորութեան Ե. Քաթիխիին: Գրեաց զսա խնդճ և անճարակ մեղաւոր և ան-  
արժան ծառայ ոտացներուզ կոխան Վարդերես, որդոյ Պր. Քրըլթօֆ Մու-  
սթաֆային... [Ժառագիրք ի կայսեր. գրատան վիեհայ]:

1655.

Ողորմութեամբն Աստուծոյ սկիզբն ար(արաք) ճաշոցն, ԹՎ. ՌՃԳ, ապրիլ  
26, օրն չորեքշաբթի, Յինանց, առաջ մէկ շաբաթ քան զՀամբարձունն, և  
մինչև ցայս վայր կատարեցաք, Քայիանեանց տօնի, մայիսի 23, ի փառս  
Քրիստոսի Աստուծոյ. ձեռամբ անարժան Անտօն եպիսկոպոսի և վարդապե-  
տի, ի քաղաքն Երզրովցոս, ի դուռն Հաճակատարի:

Յայս հրաշափառ մեծի տօնիս՝	Անտօն անուն վարդապետիս,
Քեզ երանի որ հանդիպիս	Բայց անուամբ կոչողիս.
Լուսափըթիթ բուրաստանիս.	Եւ եմ չարեօք լըցեալ գերիս:
Յորժամ ի ծունըր խոնարհիս,	Հազար հարիւր երեք թըլիս՝
Սիրով հոգւոյդ յԱստուած հըպիս,	Յորժամ հասայ ի յայս տեղիս,
Յայնժամ յիշեա դու զեղկելիս	Մայիս ամսոյս երեսունիս.
Չայս անպիտան իլովցիս,	Աուր երեքշաբաթիս: Ամէն:
Չմեղօք ծածկեալս ի մէջ տղմիս	

Հոգի սուրբ, յօգնեա և ախղեա անարժան գրչիս Անտօն եպիսկոպոսի,  
սպասաւորիս Սրբոյ Խաչին: Աղաչեմ և խնդրեմ ի քէն բարերար և բազում-  
ողորմ Աստուած, վասն քո սուրբ չարչարանաց, զի զօրացուցես զիս զան-  
արժանս ի անկ ելանել, որպէս ի սկիզբն զօրացուցեր, մարդասէր, նոյն-  
պէս տպաւորեա Ս. Հոգիդ, զի յօգնութեամբն հասից մինչ ի վերջն. զի  
յոյժ ծանր թուի ինձ այս սակաւմնաց գիրս կատարել. և քո սուրբ և սքանչ-  
չելի անուանն վերասկանիմ, կենսաբեր Ս. Խաչին աստուածաշունչ զիրս